

Сөзіммен халқым амал қылсын десең, амал қыл өз сөзіңмен әуел өзің!

Мәшһүр Жүсіп

Баянауыл аудандық қоғамдық-саяси газеті

# Баянтау



Газет 1931 жылғы  
4 қыркүйектен шыға  
бастады

№42 (11507) 23 қазан, 2025 жыл



**Құрметті Баянауыл ауданының тұрғындары!**  
**Сіздерді еліміздің ең маңызды мерекелерінің бірі – Республика күнімен шын жүректен құттықтаймын!**

Бұл күн – тәуелсіз Қазақстанның негізі қаланған, тарихи тағдырын өзі шешуге мүмкіндік алған күн. 1990 жылы дәл осы күні Қазақстан Республикасының мемлекеттік егемендігі туралы декларация қабылданып, халқымыздың тәуелсіздік жолындағы алғашқы нақты қадамы жасалды.

Бүгінгі таңда ел дамуының жаңа кезеңінде Мемлекет басшысы Қасым-Жомарт Кемелұлы Тоқаевтың бастамасымен Жаңа Қазақстанды құру жолында жүйелі өзгерістер жүзеге асырылып жатыр. Бұл – әр азаматтың үні естілетін, құқығы қорғалатын, әділетті қоғам қалыптастыруға бағытталған маңызды бетбұрыс.

Осы игі жолда Баянауыл ауданының тұрғындары да аянбай еңбек етіп, өңірдің өркендеуіне өзіндік үлесін қосып келеді. Ауыл шаруашылығы, білім, мәдениет, туризм, кәсіпкерлік – барлық салада ілгерілеу бар. Бұл – бірлік пен табандылықтың жемісі.

Құрметті жерлестер!

Республика күні – әрқайсымызға ел үшін қызмет ету, егемендікті сақтау, елді дамыту жолында бірігу қажеттігін еске салатын мереке. Осы мерекелі күні баршаңызға денсаулық, бақ-береке, амандық пен ортақ табыс тілеймін.

Тәуелсіздігіміз тұғырлы, бірлігіміз берік болсын!

Республика күні құтты болсын!

**А.Ксентаев,**  
Баянауыл ауданының әкімі

**Қадірлі баянауылдықтар!**

**Сіздерді 25 қазан – Республика күнімен шын жүректен құттықтаймын!**

Ұлттық мерекелер мен атаулы күндер тізбесіне қайта енген бұл күннің маңыздылығы ерекше. Көп ұлтты еліміздің достығы, жеткен жетістігімен, жас буынға бүгінгі Жаңа Қазақстанның патриоттығын айқындайтын тарихи мереке. Бұл күн – ата-бабамыз аңсаған арманның жүзеге асқан, елімізге еркіндік сыйлаған Ұлы күн! Осындай маңызы бар тарихи думанда еліміздің Туы асқақтап, келешегі көркейе берсін! Сіздерге мықты денсаулық, отбасыларыңызға бақыт, сәтті күндер, еңбектеріңізге мол табыстар мен жаңа жетістіктер тілеймін!

**Р.МҰҚАШЕВ,**  
Баянауыл аудандық мәслихатының төрағасы

## МАРАПАТ

**Баянауланың сұлу табиғатын, ауылдың ерекше көрінісін сурет арқылы жеткізіп жүрген белгілі фотограф Есен Жүсіпбаев «Туризм саласының үздігі» марапатына ие болды. Бұл туралы Pavlodarnews.kz сайты жазды.**



## ҚАРАЖАРЛЫҚ ЕСЕН –

### «ТУРИЗМ САЛАСЫНЫҢ ҮЗДІГІ»

Баянауыл ауданына қарасты Қаражар ауылының тұрғыны Есен Жүсіпбаевқа «Туризм саласының үздігі» төсбелгісі табысталды. Бұл марапат Есен үшін күтпеген жаңалық болды. Ол қараша айында Астанаға баруды жоспарлаған еді, алайда министрлік оның жеке жоспарына өзгеріс енгізді.

– Бірнеше күн бұрын маған министрліктен хабарласып, марапаттау рәсіміне шақырды. Әрине, таңғалдым, себебі, туризм мен спорт саласына тікелей қатысым жоқ. Мені туған өлкемнің табиғатын фото мен видео арқылы насихаттап, патриоттық тәрбиеге және Баянауыл өңірінің туризмін дамытуға қосқан үлесім үшін марапаттады. Эмоциялар шарықтап тұр, - дейді Есен Жүсіпбаев.

Есен бұл марапатты тек жағымды тосынсый ғана емес, әрі қарай дамуға түрткі болғанын да мойындады.

– Туризм бағытына бет бұрып, осы салада жобалар іске асыру

туралы жиі ойланамын. Әзірге алғашқы қадам жасауға қорқамын, бірақ бұл жолға түсеміз деп сенемін, - дейді ол.

Есен мен Зура Жүсіпбаевтар отбасы Павлодар облысы тұрғындарына тек әлеуметтік желіде ғана емес, күнделікті өмірде де жақсы таныс. Ерлі-зайыптылар блогер ретінде дамып, туған өлкенің сұлулығын көрсетіп келеді. Әрбір фото мен видео – Баянауылдың ерекше атмосферасын жеткізетін көрініс.

Олар Қаражар ауылында 25 жылдан бері тұрады. Үйі мен үлкен отбасы – туған жерге деген сүйіспеншіліктің көрінісі. Үйде Есен көптен армандаған ерекше орын бар – үлкен терезесі бар зал. Сол терезеден күн сайын Қаражардың күннің шығуы мен батуы, маусымдардың ауысуы, табиғаттың тынысы көрінеді. Бұл терезе олардың визуалды күнделігіне айналған. «Инстаграмға лайық» залда әр кадрда туған өлкенің жылуы мен жарығы бар.

Өз тілшімізден

## «Баянтауға» жазылуды ұмытпаңыз!

**Қадірлі оқырман, «Баянтау» газеті ғасырға жуық уақыт бойы баянауылдықтармен бірге жасап келеді. Егер туған өлкеңіздің газеті сізбен бірге, Баянауламен бірге болсын десеңіз, қолдау көрсетіңіз! Сіздің қолдауыңыз – газетке жазылу.**

Газетіміздің 2026 жылға жазылу бағасында да, жазылу жүйесінде де еш өзгеріс жоқ. Яғни, өткен жылдағыдай 1 жылдық жазылу құны: жеке тұлғалар үшін – **3500 теңге**, заңды тұлғалар үшін – **7500 теңге**.

Газетке **8-702-179-10-87** нөміріндегі «Каспи» және «Халық банкі» арқылы басылымның ақысын төлеп, қосымшасына мекен-жайын жазып, WhatsApp нөмірін қалдырса болды. Жазылушыға мамандар WhatsApp желісі арқылы газетке жазылғанын растайтын түбіртек жолдайды.

Қорыта айтқанда, жазылу басталды, аудан айнасына алғашқы болып жазылуды ұмытпайық! Рухани азық үлкенімізге де, кішімізге де керекті есімізде болсын!

Құрметпен, «Баянтау» редакциясы

### ЖАЗЫЛУ БАҒАСЫ:

**ЖЕКЕ ТҰЛҒАЛАР ҮШІН - 3500 ТЕҢГЕ**

**ЗАҢДЫ ТҰЛҒАЛАР ҮШІН - 7500 ТЕҢГЕ**

Баянауыл ауылы,  
Сәтбаев көшесі, 49-үй,  
Тел: 8-702-179-10-87



ИНФРАҚҰРЫЛЫМ



## БАЯНАУЫЛДА ЖӨНДЕЛГЕН ЖОЛДАР

Биыл Баянауыл ауданында жол құрылысына қатысты біршама жұмыстар атқарылды. Ауданда 57 шақырым жол жөнделді. Нақты айтсақ, «Қаражар-Южное», «Теңдік-Ұзынбұлақ», «Карашат-Новая Жайма» аудандық маңызы бар жолдар жөндеуден өткізілді. Ақсаң ауылдық округіне қарасты Қаражар ауылына кіретін жолдарына күрделі жөнделу жұмыстары жүргізілді. Сонымен бірге, «Павлодаржолдары» ЖШС мердігер ұйымы Баянауыл ауылының 23 көшесін жаңартты. Биыл Баянауыл ауданының ауылдарында да ауылышылық жолдар жөнделді. Мәселен, Мәшһүр Жүсіп ауылындағы көшелер, Қарашоқы ауылының көшелеріне асфальт төселді.

«Ауыл – ел бесігі» бағдарламасында «Экибастузтеплоэнерго-ремонт» ЖШС Жаңатілек ауылының көшелеріне күрделі жөнделу жұмыстарын жүргізді. Ұзындығы 15 шақырымды құрайтын Сұлжон ауылына кіреберіс аудандық маңызы бар автомобиль жолының орташа жөнделу жұмыстарын мердігер ұйым «NURAL» ЖШС жүргізді. Сонымен қатар, Шөптікөл, ЦЭС ауылдарына кіреберіс жолдарына жаңа асфальт төселді.

Жаяу Мұса мен Жасыбай айналма жолына орташа жөнделу жұмыстары жүргізілді. Жөнделу жұмыстары мен жол құрылыс материалдарының сапасын «Жол активтерінің ұлттық сапа орталығы» Павлодар облыстық филиалының мамандары үнемі бақылап отырды.

– Біз Баянауыл ауданындағы жөнделу жұмыстары жүргізіліп жатқан учаскелеріне 39 рет шығып, 218 жол құрылыс материалдарының сынамасын алдық. Біздің зертханада 13 сынама сапасына сәйкес келмеді»,

– дейді сапа бөлімінің басшысы Қуат Нұрмағамбетов.

Сапа мамандарының ұсыныстарын ескере отырып, анықталған бұзушылықтар мердігерлер есебінен жойылады.

Президент Қ.Тоқаев халыққа Жолдауында Қазақстанда, әсіресе, облысаралық және ауданаралық жолдарды орта деңгейде жөнделуге арналған бағдарламаның мән-маңызы зор екенін айтты. Биыл Павлодар облысында 400 шақырымнан астам жол жөнделді. Барлығы өңір бойынша 111 жоба жоспарланған еді. 2025 жылы бірден 32 ауылдық кіреберіс жолдар жөнделсе, 72 жоба аясында елді мекендердегі жалпы ұзындығы 193,5 шақырым болатын көше жолдары жөнделді.

**Гүлмира Мусинова,**  
**«Жол активтері сапасының ұлттық орталығы» Павлодар филиалының баспасөз хатшысы**



## ІЗГІ ТІЛЕКТЕР РЕСПУБЛИКА КҮНІ ҚҰТТЫ БОЛСЫН!

**БАЯНАУЫЛ АУДАНДЫҚ  
АРДАГЕРЛЕР КЕҢЕСІНІҢ  
ТӨРАФАСЫ ҚАЙРАТ  
САРБАСОВ:**



– Республика күні – еліміздің тәуелсіздігі мен бірлігінің бастауы, егемен ел ретінде даму жолын таңдаған тарихи сәтті еске салатын мереке. Республика – халықтың еркіндігі мен елдік рухының айғағы, тәуелсіз Қазақстанның берік тұғыры. Бүгінгі бейбіт өмір мен тұрақтылық – бірнеше буынның еңбегі мен ерлігінің жемісі. Ардагерлер қауымы ретінде біз еліміздің жеткен жетістіктеріне қуанып, жас ұрпақтың елге адал қызмет етіп, Отанды шын жүректен сүйетін азамат болып өсуіне тілектеспін. Баршаңызға мықты денсаулық, отбасыларыңызға амандық, елімізге бейбітшілік пен береке тілеймін!



**ҚР «МӘДЕНИЕТ  
САЛАСЫНЫҢ ҮЗДІГІ»  
ЖАМБЫ МӘШІМ:**

*Тәуелсіз еліміздің іргесі аман болсын!  
Республикам, күндей күлген шығыстан,  
Асыл елім, жан жүректі ұғысқан.  
Ата-бабам аңсап өткен бақытым,  
Айналайын, Қазақстан – Гүлстан.  
Күн шаңырақты, күміс отау далам бар,  
Сүйсініңдер, суретіне қараңдар.  
Кілем түсті қырларым бар керілген,  
Қырларым да, қоңыр салқын самал бар.  
Тауларым бар, жыл жетпейтін жасына,  
Қыран қонған тарғыл мәрмәр тасына.  
Ұлпа бұлтқа аш төсіңді айқара,  
Жатсын толқып, алтын аңыз сар дала.  
Өзенім көп, шулап атқан мөлдір су,  
Маужырайды жағасында көк шылу.  
Уысына толтырып, іш толқының,  
Ақшыл меруерт көбігіне бетін жу.  
Республикам, күндей күлген шығыстан,  
Асыл елім, жан жүректі ұғысқан.  
Ата-бабам аңсап өткен бақытым,  
Айналайын, Қазақстан – Гүлстан.*

**БАЯНАУЫЛ АУДАНДЫҚ  
МӘСЛИХАТЫНЫҢ  
ДЕПУТАТЫ ЖАННАТ  
ЖҰМАГҰЛОВА:**



– 25 қазан Республика күні мерекесі – еліміздің тәуелсіздікке бастар жолындағы тарихи шешімдердің бастауы, мемлекеттігіміздің берік негізін қалаған күн. Бүгінде Қазақстан – бейбітшілікті, тұрақтылықты, татулықты ту еткен ел. Осындай жетістікке жетуіміз – барша азаматтардың ортақ еңбегінің жемісі. Баршаңызға амандық, ынтымақ, еңбектеріңізге табыс тілеймін. Тәуелсіз еліміздің туы әрдайым биік желбірей берсін!



redakciyabayantau@mail.ru

## СЕМИНАР

# ЖАҢА ФОРМАТТАҒЫ ҰСТАЗ: КӘСІБИ ШЕБЕРЛІК және ТӘЖІРИБЕ



Өткен аптада Ш.Шөкин атындағы №2 мектебінде «Жаңа форматтағы ұстаз: кәсіби шеберлік және тәжірибе» атты облыстық семинар өтті. Семинардың басты мақсаты – заманауи білім беру талаптарына сай жаңа форматтағы мұғалімнің кәсіби шеберлігін арттыру, педагогикалық озық тәжірибені насихаттау, сондай-ақ ұстаздарды шығармашылықпен жұмыс істеуге ынталандыру. Семинар аясында өткізілген ашық сабақтар педагогтердің кәсіби құзыреттілігі мен әдістемелік шеберлігін көрсететін тәжірибе алаңына айналды. Мұғалімдер пәндер арасындағы интеграция, сын тұрғысынан ойлау, цифрлық технологияларды қолдану арқылы оқытуда заманауи тәсілдерді тиімді пайдалана білді. Атап айтқанда, биология және математика пәні мұғалімдері Мадина Сұңқарбекова мен Әсел Қабытаева бірігіп өткізген «Су – тіршілік көзі. Суды зерттеу» атты интеграциялық сабағы жоғары деңгейде өтті. Қазақ тілі мен әдебиеті пәнінің мұғалімдері Қарлығаш Солтанова және Айнұр Мәлікова «Отандық үздік фильмдер» тақырыбында мазмұны терең, оқушыны ойландыратын сабақ үлгісін көрсетті.

Тәрбие бағытындағы іс-шаралар семинардың мазмұнды, әрі рухани бөлігін құрады. «Әкелер мектебі», «Аққу» қыздар клубы, ата-аналар жиналысы, сынып сағаты сияқты тәрбие жұмыстары ата-ана мен мектептің өзара серіктестігін, бірлескен жұмыс нәтижелілігін паш етті. Мәселен, «Әке – білім мен тәрбиенің ұстазы» атты ашық тәрбие сағаты 9-сынып ұлдарына арналған мазмұнды сұқбат алаңына айналды. Ал,

«Ананың сөзі – тәрбие көзі» тақырыбындағы қыздар клубының іс-шарасы ұлттық құндылықтарды дәріптеді.

Семинар барысында ұйымдастырылған шеберлік сағаттары тың идеялар мен инновациялық технологияларды тәжірибеге енгізуге бағытталды. «ЖИ – тиімділікке жетелейтін болашақ технологиясы», «Arduino және жасанды интеллект», «Инновациялық үдерістер – сапалы білімге жол» атты тақырыптарда өткен іс-шаралар заманауи мұғалім бейнесін жаңаша қырынан танытты. Іс-шарамен қатар өткізілген көрмелер ұстаздар мен оқушылардың өнері мен шығармашылығын паш етті. «Шабыт» және «Көне ою көрінісі» көрмелері көрермен көңілінен шығып, қазақ қолөнері мен заманауи шығармашылықтың үйлесімді ұштасуының жарқын үлгісін көрсетті.

Семинар соңында аудандық білім бөлімінің басшысы Төлеген Ахаев және аудандық білім бөлімінің әдістемелік кабинет басшысы Гүлнази Нұртаева, Шапық Шөкин атындағы №2 мектебінің басшысы Шынар Мұрсалова қорытынды сөз сөйлеп, іс-шараға жоғары баға берді. Мұндай семинарлар кәсіби дамуға, жаңашыл ой мен тәжірибе бөлісуге, шығармашылық ізденіске бастайтын маңызды алаң екені даусыз. Оқытудың жаңа форматтары мен мазмұнына сай ұстаз болу әр мұғалімнен үздіксіз даму мен жаңалыққа ұмтылуды талап етеді.

**Қызғалдақ Бейсенқұлова,  
Ш.Шөкин атындағы  
№2 мектебі басшысының  
тәрбие ісі жөніндегі орынбасары**

## ЖӘРМЕҢКЕ



## ЕҢБЕГІ АДАЛ ЖАС ӨРЕН

**С.Торайғыров атындағы мектептің парламент мүшелерінің ұйымдастыруымен «Күзгі асар» жәрмеңкесі өтті. «Еңбегі адал жас өрен» жобасы аясында өткізілген жәрмеңкенің мақсаты – оқушылардың бойында адал еңбек пен еңбекқорлық мәдениетін кеңінен насихаттау. Оқушыларды бір-біріне көмек беруге және бірлесіп жұмыс жасауға үйрету. Жәрмеңке биылғы «Жұмысшы мамандықтар» жылына арналды. Іс-шарада қатысушылар әртүрлі мамандық иелері туралы мәліметтер беріп, ән айтты, би биледі.**

Мұндай жәрмеңке еңбегі екі еселене түсетін, пайдасы мол оқушы еңбегінің жарқын көрінісі. Бұл күні мектебімізде үстел үстінде тәтті тағамдар, күз бейнесі бейнеленген суреттер және сатушы бейнесін сомдайтын оқушылар, сынып жетекшілері қызу жұмыс жасады. Яғни, жәрмеңкеде мектеп-ата-ана және оқушының бірлескен жұмысының жемісін көрдік. Жыл сайын дәстүрлі түрде ұйымдастырылып тұратын күзгі жәрмеңке жыл сайын жаңашылдықпен қызықты өтіп келеді.

**Мектеп парламентінің  
«Ақпарат» фракциясының мүшелері**

## БАЙҚАУ

## Екі жұлдыз – өнер мен ынтымақтың мерекесі


Жақында Сәтбаев ауылдық мәдениет үйінде дәстүрлі түрде «Екі жұлдыз» байқауы өтті. Ұстаз бен шәкірттің, өнер мен шабыттың тоғысқан ерекше кеші. Бұл шараның басты мақсаты – жас таланттарды таныту, олардың шығармашылық қабілетін арттыру және ұстаз бен шәкірт арасындағы рухани байланысты нығайту. Байқау барысында әр жұл өз өнерлерін ортаға салды. Ән салып, би билеп сахналық көрініс қойды. Сахна төрінде жарқыраған әр қатысушы өз жұлдызын жандыра білді. Көрермендер көңілін көтеріп, ерекше әсер сыйлаған бұл кеш шынайы өнер мерекесіне айналды.

Қазылар алқасы қатысушылардың дауыс мәнері, сахна мәдениеті және орындаушылық шеберлігін бағалап, үздіктерді марапаттады. Байқау соңында жеңімпаздарға алғыс хаттар мен сыйлықтар табысталды. Бас жүлдемен Аймауытов ауылы марапатталды. Бірінші орын Құндыкөл ауылына бұйырды. Екінші орынмен Күркелі ауылы марапатталса, үшінші орын Ұзынбұлақ ауылына табысталды.

**Анарғұл Нұрланова**



# ҰЛАҒАТТЫ ҰСТАЗДЫҢ ДАРА ЖОЛЫ



Талай шәкіртке физика әлемінің нұрын төккен жан – баянауылдық Кәрімовтер әулетінің жалғасы Сапура Файзулқызы Кәрімова. Оның мұғалім мамандығын таңдауына өз әулеті ықпал етті. Себебі, Сапураның етжақындарының барлығы Баянауыл өңіріндегі Теңдік ауылы мектебінде ұзақ жылдар бойы ұстаз болды. Айталық, үлкен ағасы Ғұбаш Кәрімов, інісі Әнәш Кәрімов, Мәшкен Кәрімұлы да ұстаз болды. Ал бұл шаңырақтың келіндері Сәкина Мұқышева, Нағима Досжанова, Еркін Күзеквалар «КСРО-ның халық ағарту ісінің үздіктері» атанды. Олар Теңдік ауылының, ұлқызын оқытып, балапаннан қыран, құлыннан тұлпар баптап шығарды. Бүгінде осы адамдардан білім алған шәкірттерінің қай-қайсысының да қанаты қатайып, азамат болып өсті. Сапураның әкесі Файзул ағамыз да еңбек жолын ұстаздық етуден бастап, кейін басқа салаға ауысты. Арғы атасы Кәрім ақсақал ел ішінде «Кіші аға», «Кәрім молла» атанған, ескіше сауаты бар адам болған. Осындай ұлағатты жандардың шаңырағынан шыққан Сапура Файзулқызы 1962 жылы Теңдік сегізжылдық мектебіне қабылданып, 1972 жылы Баянауылдағы Шәкен Айманов атындағы орта мектепті бітіреді. 1978 жылы Е.Бөкетов атындағы Қарағанды мемлекеттік университетін бітіріп, физика пәнінің маманы атанды. Бұдан кейін өзі туған киелі Теңдік ауылындағы академик Қ.Сәтбаев атындағы мектепте 35 жыл бойы еңбек етті. Білгір де білікті маман ғылым негіздеріне сүйене отырып, әр сабағын шәкірт бойына үлкен махаббатпен, асқан шеберлікпен дарыта білді. Саналы

ғұмырын өзі оқытқан шәкірттерінің азамат болып қалыптасуына арнады. Әрдайым ұжымда, ел ішінде өнегелі ісімен көпке үлгі болды. Сапура Кеңес Одағы тарағаннан кейін оқу – тәрбие ісінде жаңашылдық пен халық педагогикасын ұштастырып, аудандық, облыстық деңгейде бірнеше семинар ұйымдастырды. Кейін оның «Жеті атаң – асыл мұраң» атты жинағы шығып, оқырман арасында жоғары бағаға ие болды. Мұның бәрі ұстаздар әулетінің ұлылығын көрсетеді десек, артық айтқандық болмас.

Сапура Файзулқызы көркіне мінезі сай, ақылы мен өзіне біткен біртоға мінезімен жан дүниесінің жылылығымен білікті, білімдігімен ортасына сыйлы отбасы, ошақ қасының данасы болды. Отбасынан алған тағылымды тәрбиесін өміріне серік еткен Сапура мамандығы ұстаз болғандықтан шәкірттер бойына білім ғана емес олардың бойына адамгершілік қасиетті бойтұмар ете білді. Сапура ұстаздың өткізген сабағы физика пәні әлемімен бірге әр шәкірттің бойына тәрбиелік мәні бар дәріспен қатар іздену, ұмтылу мақсатқа жету жолында күш пен қайрат беріп отыратын. Сондықтан да Сапураның алдынан білім алған шәкірттер бүгінгі күні еліміздің түкпір-түкпірінде саналы еңбек етіп ұстаздық салған сара жолынан айнымай елі мен жері үшін аянбай еңбек еткен бір-бір тұлға. Сапура Файзулқызы өзінің отағасы Зарлықпен 45 жыл ғұмыр кешті. Осы 45 жыл уақытты Сапура Файзулқызы 45 ғасырға айырбастамайтын алтын уақыт деп бағалайтын нағыз бақыт. 1980 жылы Зарлық екеуі отбасын құрып, жолдасымен 2 ұл, 1 қыз

дүниеге әкеліп, 9 немере сүйген үлгілі отбасы. Балаларының бәрі жоғарғы білім алды. Тұңғышы Абай, келіндері Баян мен Маржан, немересі Ақниет ұстаздық жолын жалғастыруда. Қызы Бағлан «Қазақстан Халық Банкі» АҚ-ның бөлім меңгерушісі. Кенжесі Абылай Қарағанды қаласындағы «Фемид» заң колледжін бітірген. Қазіргі таңда жеке кәсіпкерлікпен айналысады. Жолдасы Зарлық жастайынан еңбекке араласып, бірнеше жыл жүргізуші, 1980 жылдары Шадыра астық қабылдау пунктінде, 1983 жылдары «Абай» шаруа қожалығын ашып, кәсіпкерлікпен айналысты. Отбасының қамқоры, елінің абыройлы азаматы, еңбекқор, адал еңбегімен сыйға бөленген, балаларына адалдық пен кішіпейілдікті дәріптеп, еңбекке баулыған абзал әке. Сапура мен Зарлық әулетіндегі ата-анасыз қалған балаларға қамқоршы болып, ата мен ене аманатын орындаған, аманатқа қиянат жасамаған, өз қолдарынан үйлендіріп, қамқор болған парасатты жандар. Сапураның анасы Мағауқызы Күмісжан жаңашылдыққа құмар, көкірегі ояу жан болды. Ісмер еді. Сырмақ сырып, алаша тоқитың, кестелеген тұс киіздері, тоқыған шәлісі көздің жауын алатын.

2010-2011 жылдары елге жапондық Токо Фудзимото деген қыз келеді. Токо сол кезде «Орта Азия елдерінің салт-дәстүрі мен қол өнеріндегі ұқсастық пен айырмашылық» деген тақырыпта ғылыми жоба қорғамақшы екен. Қыздың көзі Сапураның анасының сырмағы мен алашасына түседі. Қатты қызығып, қолқа салады. «Үйімнің бір бұрышында тұрғаннан, мұражайда тұрғаны

дұрыс деп шештім. Сөйтіп, анамның маған берген жасауын Жапонияның Осака қаласындағы халықаралық этнографиялық мұражайға анамның атын жазып тапсырдым. Қазақтың қолөнерін дәріптеуге менің анамның да үлес қосқаны ұрпақтары үшін де үлкен мақтаныш, зор мәртебе ғой», деп еске алды Сапура.

Сапураның отбасында 4 қыз, 1 ұл тәрбиеленіп өсті. Қыздарының бәрі жоғары білімді маман иелері. Гүлнәр – экономист, Рашида – дәрігер, кенжесі Алуа – ұстаз. «Өткенің – тарих, ертеңің үміт» демекші, сол өткен өмірде аналары жастай кетіп, әкесі Файзул мен отбасының үлкені Сапура және тоқсаннан асқан Жанәпия әже үшеуі әулеттің шаңырағын шалқытып, түтінін түтетіп бәрін де аяғынан тұрғызып ержеткізді.

Еңбегіне қарай аудандық комсомол комитетінің мақтау грамотасы, аудандық кәсіподақ ұйымының алғыс хаты, облыстық оқу бөлімінің мақтау грамотасы, ҚР Оқу ағарту министрлігінің алғыс хаттарының марапат иегері. Мансапқа ұмтылмай, әулетінен келе жатқан ізгілікті жоғалтпаған Сапураның бұл еңбек жолдары көпке үлгі. Бүгінгі күні Кәрімовтер әулетінің педагогикалық еңбек өтілі 310 жылға жетті. Бар ғұмырын ұрпақ тәрбиесіне арнаған асыл жан биыл асқаралы 70 жасқа толып отыр. Ғұмырың ұзақ, мерейің үстем болсын!

**Нескен Мәлікова,**  
Қазақ КСР-іне еңбегі сіңген  
ұстаз, «Облысқа сіңірген еңбегі  
үшін» төсбелгісінің иегері,  
Баянауыл ауданының  
Құрметті азаматы

## ЗАМАНЫҢ ТҮЛКІ БОЛСА...

### ТИК ТОКТЫҢ ЖҰЛДЫЗЫНА АЙНАЛҒАН ӘЖЕ

Таяуда «Баянтау» газетін 60 жылдан бері оқып келе жатқан тұрақты оқырманы Қазиза Ақышева әже хабарласып, тик ток желісі арқылы жастарға бата беріп жүргенін мақтанышпен хабарлады. Әлеуметтік желіге Қазиза әжені немересі кіргізіп, әр тақырыпта ұлағатқа толы әңгімелерін, баталы ақыл сөздерін жариялауда. Қазиза әже кешегі күні тик ток желісі арқылы Баянауыл туралы жыр жолдарын мәнерлеп оқып беруі де қуанарлық жайт. Жасыратыны жоқ, тикток, инстаграм парақшасында үлкен-кіші секеңдеп билеп жатады немесе әлдебір тамақ мәзірлерін дайындап, лайк, комментарий жазындар

деп сұрап жатады.

Ал Қазиза әженің мақсаты жастарға ұлттық тәрбие беру, оларды имандыққа уағыздай отырып, руханият әлеміне шақыру. Тіпті 86 жастағы әже халық әндерін әуелете шырқап, өнерден де қара жаяу емес екенін де танытады. Иә, таң қалмаңыз 86 жастағы Қазиза Жағыпарқызы аз ғана уақыттың ішінде тик токтың жұлдызына айналды. Осынша жасқа келсе де сергектігінен, ашық-жарқын мінезінен жаңылмаған Қазиза әже әлі күнге дейін кітап, газет-журнал оқиды. Қазіргі алмағайып заманда жасыратыны жоқ, үлкен-кішінің қолынан түспейтін

ұялы байланыс құралының заманы жүріп тұр. Кішкентай бүлдіршіндердің де алданатын тәрбие құралына айналған телефонның пайдасы да, зияны да бар. Қалай десек те, өлшеулі өмірін босқа өткізбей, ұлағатты ісі кейінгі ұрпаққа қалса екен деген мақсатты ұстанған қарт әженің жастарға айтары мол.

Құрметті оқырман! Тик ток әлеуметтік желі арқылы әженің парақшасына тіркеліп, бейнежазбаларын тамашалаңыз, өкінбейсіз. Лайк басып, комментарий жазуды ұмытпаңыздар!

**Бағзад Нұртайқызы,**  
жергілікті тілші



## ТАҒЫМ

*Абай Шарапиев – әйгілі ғұлама Мәшһүр Жүсіптің шөбересі. Мәшһүр Жүсіп атаның кесенесіне жолы түсіп, алыс-жақыннан келіп жататын қонақтар ең алдымен атаның ежелгі қонысы болған шаңырағына соқпай кетпейді. Бұдан біреше жыл бұрын құрылған «Мәшһүр Жүсіп» қоғамдық қоры мүшелерінің мұрындық болуымен Сарыбұлақтағы Мәшекеңнің үй-қорасын, тұтынған заттарын қайта жаңғыртып, ашық аспан астында музей жобасын жасауға кіріскен еді. Осынау игілікті істің бастамашысы, ұйымдастырушысы болып отырған Абай Шарапиевтің жарғақ құлағы жастыққа тимей қыруар жұмыстарды атқарғанын атап айтқымыз келеді.*



# АБАЙДЫҢ ИГІЛІКТІ ІСІ



Абай Төлеубайұлы ең алдымен атаның шаңырағын ретке келтіріп, қажетті ыдыс-аяқтар, үй мүліктерін алып, тәу етушілерге қажетті жағдайларды жасады. Үйдің жанында жаз айларында демалушы жандар үшін киіз үй құрылды. Ең бастысы жанашыр азаматтардың көмегімен үй маңы қоршалып қайың, терек, шыршалар отырғызылды. Абай Шарапиевтің ұсынысымен 2022 жылы Мәшһүр атаның трашпеңкесін екібастұздық ұста Темеш Тайжамал жасап, Ескелдіге әкелінді. 14 жасқа дейін Мәшһүр атаның тәрбиесінде болған әкесі Төлеубайдың естеліктері бойынша трашпеңке арбаның нобайын Абай Шарапиев өзі суреттеп айтып отырып жасатқан екен. Бүгінгі күні атаның мекенжайына келушілер трашпеңкеге отырып естелік суретке түсіп жатады. Айта кетерлігі, Абай Шарапиевтің ашық аспан астында ғұлама атасының тұтынған мүліктерін жасату идеясы орыс жазушысы Лев Толстойдың ашық музейі сияқты дүниесіндей болса екен деген асқақ арманына ұласқан.

Таяуда тағы бір жағымды жаңалықтың куәсі болдық. Ескелді мекені Екібастұз қаласынан небәрі 58 шақырым болса да күні бүгінге дейін жол қиылысында ешқандай белгі қойылмаған. Сонау Астана, Павлодар тағы басқа алыс-жақын жерлерден қысы-жазы келіп жататын адамдар Ескелдіге бұрылатын жолды білмей

басқа жаққа шығып кеткендері аз болмаған. Мәшһүр бабамыздың кесенесіне зиярат етуге бара жатқан жолаушылардың көпшілігі Екібастұз қаласынан аса бергенде түнгі уақыттарда аэропорт жанындағы жол айрыққа қарай кетіп қала беретіні жайлы Абай Шарапиев құлағдар болған. Абай Төлеубайұлы игілікті істі қолға алып, Ескелдіге баратын жолдың бағыты мен ара қашықтығын нақты көрсететін билбордты жасатып, жол қиылысына орнатты. Билборды жасап жол жиегіне орнатқан Саян, Дәулет есімді азаматтарға Алланың нұры жаусын дейміз. Абай Төлеубайұлының бастамасы бойынша Мәшһүр Жүсіп атаның үйі жанындағы бұлағы басындағы жабық шатырлы үйшіктің екі жағына шығыршықта айналып тұратын кербез аққулардың ағаштан оюлап жасалған бейнесі орнатылды. Көрген жанға әсем мойындары иілген аққулар бейне бір көлде жүзіп жүргендей әсер қалдырады екен. Аққулар бейнесін жасауға көмектескен Екібастұз қаласындағы «Көркем жарнама» агенттігінің қызметкері Анарға және осы макетті орнатқан Дәулетке Абай Шарапиев жүрежарды алғысын білдіреді.

Мәшһүр Жүсіп Көпейұлының кесенесі орналасқан Ескелді алқабы – еліміздегі ең ғажайып, қасиетті мекеннің бірі. Ақынның мемориалдық мұражайы, Сарыбұлақтағы қыстау үйі, ашық аспан астындағы жасақталып жатқан музейі зиярат етіп келушілер үшін руханияттың киелі ордасы. Таяуда Сарыбұлақ басында тағы бір игілікті іс жалғасын тапты. Жаз айларының бірінде Мәшекеңнің кесенесіне оңтүстік өңірден арнайы келген денсаулық саласының ардагері, қария адам Сарыбұлаққа арнайы келіп, үй маңында өсіп тұрған шөптесін өсімдіктерді аралап көріп, аталмыш шөптің дәрілік қасиеті ерекше екенін айтып бұған күтім керектігін айрықша ескерткен екен. Дәрілік шөптерді түріне қарап ажырата білетін қария осынау шөптер өсіп тұрған жердің тазалығына мән берген. Қарияның бір ауыз сөзін жерге тастамаған Абай Төлеубайұлы бұлақтан су алушылар басып



кетпейтіндей етіп дәрілік шөптер өсіп тұрған маңайын жеке қоршатты. Сарқынды сулардың дәрілік қасиеті бар шөптерге ағып кетпеуі үшін сол маңайды ретке келтірді.

Ұлы ғұламаның басына тәу етіп келушілер үшін қажетті жағдайдың бәрі жасалған. Сарыбұлақтағы ұлы атасының ата қонысын құлпыртып, жаңаша сипатқа енгізуді мақсат етіп отырған Абай Шарапиевтің арманы асқақ.

– Менің атам 1868 жылы дүниеге келсе, мен 1968 жылы дүниеге келдім. Атам екеуіміздің жас алшақтығымыз тура 100 жыл екен. Біз анамыздың мерейлі мейіріміне қанып, әке өсиетін тыңдап өстік. Халқымыздың дүниетанымынан өрбіген тәңірге табынудың бір жағы туған жер табиғатын аялау болса, екінші жағы – ата-бабаны қастерлеу, ұлы атамызды пір тұту. Біз дархан даланың даналығын бойымызға сіңіре білген ұрпақпыз. Осынау киелі мекенде игілікті істерді атқара отырып, жасаған жұмыстарым арқылы жас ұрпақтың бойында отаншылдықты, еңбекорлықты дарыту – басты парызымыз. Келешек ұрпақ біздің ісімізді одан әрі жалғастырып, ата аманатына адалдық таныта білсе, арманым сол, – дейді Абай Шарапиев бізбен әңгіме барысында.

Іскерлігімен, ерен еңбегімен көзге түсіп ел-жұрттың алғысына бөленген Абай Төлеубайұлы сіңірген еңбегін ешкімге жария етпей-ақ шапағат жылуын себелеп жүрген азамат. Келушілерге танымдық мәні ерекше әңгімесін айтудан жалықпайтын Абай Шарапиев жүрегі елім, туған жерім – алтын бесігім деп соғатын, иманы жүрегінде сақталған даланың дара азаматы дер едік. Оған Абайдың халық үшін жасап жатқан ерен істері дәлел.

**Бағзат Нұртайқызы,  
жергілікті тілші,  
Мәшһүр Жүсіп ауылы**

## МІНДЕТ

## ПАРЫЗЫН ОРЫНДАҒАН ЕР САРБАЗ!

2024 жылдың күзінде Баянауыл аудандық қорғаныс істері жөніндегі бөлімнен әскерге шақырылған жастар еліміздің әр өңірінде Отан алдындағы парыздарын орындап туған жерлеріне оралуда. Сондай сарбаздың бірі – Торайғыр ауылының тумасы Елдар Сапар. Отан алдындағы борышын абыроймен өтеп, туып-өскен ұясына аман-есен оралған жас сарбазбен тілдескен едік.

Елдар Қапшағай қаласында орналасқан десанттық-шабуылдаушы №35 бригадада әскери борышын өтепті. Әскердегі алғашқы күндерін былайша әңгімелейді:

– 2024 жылы 16 қазанда бригадаға келіп, сағат 4 шамасында балалармен таныстым. Алғашында қобалжу болды. Бәрімізге де жаңа ортаға бейімделіп кету оңай болмағаны рас. Әскер өмірі – жауапкершілік пен төзімділіктің мектебі. Сарбаз өмірінде ең есте қалатын сәттер қиындықтарға төтеп беру және әскери жаттығулардағы сынақтарға шыдамдылық пен үлкен жігер керек. Әскерде қиыншылықтар болды, бірақ соларды жеңуге, сабырлы болуға үйрендім. Атысқа дайындық, жедел марш сынды жаттығулар көп нәрсеге үйретеді. Ең есте қалғаны парашютпен секіру. Алғашқы екі күн дайындық өте ауыр болды. Бірінші секіре сәтте қорқыныш сезімі болды. Бірақ барлығымыз батылдық танытып, тапсырманы орындадық. Кейін үйреніп кеттік, – дейді.

Жас сарбаз Отан алдындағы борышын өтеу арқылы өмірге деген көзқарасының түбегейлі өзгергенін айтады.

– Әскери бөлімде мерзімді әскери қызмет атқарғанымна қуаныштымын. Әскери қызмет барысында жауынгерлік даярлықтың қыр-сырын меңгеріп, ер жігіттің бойында болуы тиіс ержүректілік, табандылық және қайсарлық сияқты қасиеттерді қалыптастыра білдім. Бұның бәрі менің алдағы өмірімде қиыншылықтарды оңай жеңуіме көмектеседі деп сенемін. Отанды қорғау – әрбір азаматтың парызы. Сондықтан барша замандастарымды Отан алдындағы міндеттерін өтеуге шақырамын, – дейді сарбаз.

Елдар болашақта мал дәрігері болуды армандайды. Алдағы жылы ветеринар мамандығына оқуға түсуді жоспарлауда. Бала күнгі тілегі – ветеринар болу екен. Арманына жет!

Жас сарбаз Елдар Сапар сұқбатты пайдаланып, барша қазақстандықтарды Республика күнімен құттықтады.

– Республика күні – әр азаматтың жүрегінде отаншылдық рухты оятатын, елге деген махаббат пен жауапкершілік сезімін күшейтетін қасиетті күн. Көгімізде туымыз желбіресін!

**Мерейім ҚАЙРАТ**

# СӨЗЖҰМБАҚ

Князь (АҚШ актері)				Катері ісік	Апажан	Тоқта! (орысша)	Серібаев (футб.)	... шалбар					Біз (орыс)	Бас кіім	
Батылдық	Марина ...		Дақыл түрі				Теріс емес	...ге қонымды	Саудагер мақсаты	Кеме бөлігі					
Айып-пұл (орыс.)			Солтүстік сымалы		... станциясы			Балық түрі			... етпеу (тыныш)	Аслап ...	Быламық (син)		
	Шаш бояуы	Қан құрамы			Жаурау (син.)			... есе	Астау (син)	Жінішке (ант)	Ішкен адам				
				Қатар (син)			Самал ...			Дәрігер құралы				Кеткен алма	
	Жапония	Мұстай ...	Қырғыз қаласы	... төуекел		Крис ... (өңші)	Неміс өзені		Тіс түрі		... патшасы				
	Қуырғылған картон					2-ші нота	Ерін шеті			Мауглидің досы					
		Газ	Италия автосы		Ұшақ маркасы		...-шығт	Пана (син)	Жалау			Дөл (син)			
Дантес түрмесі	Кір жуу ұнтағы			Журнақ	...-гу	Окоп (қаз)	... Крузер (көлік)			Мәлім (син)	... Арафат	... құлақ	Танк маркасы	...Әлем банкі	
	Су шашып тұратын қондырғы	Телеарна	Темір шірігі	Шөй аты	Доп қақпада			Өккі		Қол үсті		Тазы			
					Химиялық элемент			Машина үйі	Амал	... Каприо (актер)	Қайнау (син)				
Шаш келтіргіш құрал	...-тәтті				Коньяк маркасы	... халайық	Телеарна	Жол бастаушы			Мезгіл			Иба (син)	
				Бокс бөлімі				...-Баба			Көне пагон	Таяу, жақын			
	Дәлел (орыс)	Қағаз түрі	Асық қалпы				Техник	Амон ...		Дала			... Браун		
				Мысыр	... Зайтов (айтыскер)	Ойын бөлімі (орыс)			Та, ...	Пөхтүс		Патрисия ... (француз өңшісі)	Пистон	Монгол ханы	Футбол термині
Капитан ...	М/Ф аюы				Сәлеметсіз ...? Ба, ...	Шетелге шығу құжаты		Ағаш түрі		"... рүлем"	Сталин				
				Пар (син)		Живанал		Өзге (син)	Жасық (син)		Мін (син)				
Айт алды	Айшыария ... үнді актрисасы			Батыр		Еуропа ақшасы				Анау			Тапанша маркасы		
Езілген картон	Франция көлігі	Сай	... заңы (физ.)	Пейджер компаниясы	Жеміс түрі	Ортақ шеше		Үлкен (син)	Қуат (син)		Бал беруші	Еңбек ... адамның шипасы		...-банк	
				...-жалданаш		ЖОО (орысша)	Ел құлағы...	Брегвадзе (өңші)			Бас түті	ЗиІ	Тамада (қаз)	Әкенің әкесі	
	Телеарна			Өкшебауыр шұжығы				Алма (ант)				Түк жоқ			
		Ишара	Көріс астанасы				Ұшақ маркасы		Алексей (қысқ)	Бір жасушалы жөндік				Ағаш (син)	
	Нұр (син)				...-зугу		Литва ақшасы			Шөп баспана					

## ХАБАРЛАНДЫРУ

«GOLD Generation» ЖШС Павлодар облысында 2020 жылғы 20 қарашадағы №978-EL лицензиясы бойынша алаңда қатты пайдалы қазбаларды барлау жоспарына өсер етуге экологиялық рұқсат алу үшін өзгерістер мен толықтырулармен қоғамдық тыңдаулар өткізеді. Өсер етуі мүмкін аумақ: Павлодар облысы, Баянауыл ауданы, Ақмектеп ауылы. Учаскенің географиялық координаттары: шығыс бойлық 1.)76°26'00" ,2.) 76°28'00" ,3.) 76°28'00" ,4.) 76°26'00". Солтүстік ендік 1.)51°03'00"N, 2.) 51°03'00"N, 3.) 51°02'00"N, 4.) 51°02'00"N.

Тыңдау 15.12.2025 ж. сағат 11.00-де Павлодар облысы, Баянауыл ауданы, Ақмектеп ауылы, Жаяу Мұса көшесі, 13/2, сайлау комитетінің ғимараты мекенжайында өтеді. Өзіңізбен бірге жеке куәлігіңіз болуы қажет. Қоғамдық тыңдаулар өткізілетін орын жоспарланған қызмет аумағына Ақмектеп ауылына жұмыс жүргізілетін жерден 30 шақырым жерде жақын орналасуымен негізделген.

Сондай-ақ, қоғамдық тыңдаулар ZOOM платформасында бейнеконференцбайланыс арқылы онлайн режимінде қолжетімді болады: «РУДПРОЕКТ» ЖШС сізді жоспарланған конференцияға шақырады: Zoom конференциясына қосылу <https://us05web.zoom.us/j/85498187754?pwd=1qAUAuxWjGPTvxHVidiBF5ffbTbQU9.1>

конференция идентификаторы: 854 9818 7754, кіру коды: 3XZTfE.

Тапсырыс беруші, бастамашы: «Gold Generation» ЖШС, ҚР, Астана қаласы, Қабанбай батыр даңғылы, 60А-үй, 2 корпус, 15 пәтер, 201040029834, 87073157890. Жобалық құжаттамамен ҰБД СОС және т б сайтында танысуға болады <https://hearings.ndbecology.gov.kz/>, сондай-ақ Павлодар облысы бойынша табиғи ресурстар және табиғат пайдалануды реттеу басқармасының сайтында: <https://www.gov.kz/memleket/entities/pavlodar-tabigat/?lang=ru>.

Қазақ және орыс тілдерінде қоғамдық тыңдаулар өткізу туралы хабарландыру мынадай төсілдермен таратылатын болады: «Баянтау» газеті, «Қазақстан РТРК» АҚ телеарнасы, ERTIS телеарнасы. Қосымша ақпаратты жобаны әзірлеушіден алуға болады: «РУДПРОЕКТ» ЖШС нақты мекенжайы Астана қ., Ақарыс 37 тел. 87751969728.

Барлық ескертулер немесе ұсыныстар сайтта қоғамдық тыңдаулар өткізілетін күнге дейін 3 жұмыс күнінен кешіктірмейтін мерзімде қабылданады [ndbecology.gov.kz](https://hearings.ndbecology.gov.kz/), сондай-ақ «Павлодар облысының Табиғи ресурстар және табиғат пайдалануды реттеу басқармасы» ММ, email: unosvr@mail.ru, тел: 8-7182-32-16-81.

## ОБЪЯВЛЕНИЕ

ОО «GOLD Generation» проводит общественные слушания на получение Экологического разрешения на воздействие к Плану разведки твердых полезных ископаемых на площади по лицензии №978-EL от 20 ноября 2020 года в Павлодарской области с изменениями и дополнениями». Территория, на которой может быть оказано воздействие: Павлодарская область, Баянаульский район, село Акмектеп. Географические координаты участка: Восточная долгота 1.)76°26'00" ,2.) 76°28'00" ,3.) 76°28'00" ,4.) 76°26'00". Северная широта 1.)51°03'00"N, 2.) 51°03'00"N, 3.) 51°02'00"N, 4.) 51°02'00"N.

Слушания состоятся 15.12.2025 г. в 11.00 ч. по адресу Павлодарская область, Баянаульский район, село Акмектеп, ул. Жаяу Муса, 13/2, здание избирательного комитета. При себе необходимо иметь удостоверение личности. Место проведения общественных слушаний обосновано ближайшим расположением к территории намечаемой деятельности в 30 километрах от места проведения работ к с. Акмектеп.

Также общественные слушания будут доступны в режиме онлайн посредством видеоконференцсвязи на платформе ZOOM: ОО «РУДПРОЕКТ» приглашает вас на запланированную конференцию: подключиться к конференции Zoom <https://us05web.zoom.us/j/85498187754?pwd=1qAUAuxWjGPTvxHVidiBF5ffbTbQU9.1>

[us05web.zoom.us/j/85498187754?pwd=1qAUAuxWjGPTvxHVidiBF5ffbTbQU9.1](https://us05web.zoom.us/j/85498187754?pwd=1qAUAuxWjGPTvxHVidiBF5ffbTbQU9.1) Идентификатор конференции: 854 9818 7754, Код доступа: 3XZTfE.

Заказчик-инициатор: ОО «GOLD Generation», РК, город Астана, пр.Қабанбай батыр, д. 60А, корпус 2, кв. 15, 201040029834, 87073157890. С проектной документацией можно ознакомиться на сайте НБД СОС и ПР <https://hearings.ndbecology.gov.kz/>, а также на сайте Управления природных ресурсов и регулирования природопользования по Павлодарской области: <https://www.gov.kz/memleket/entities/pavlodar-tabigat/?lang=ru>.

Объявление о проведении общественных слушаний на казахском и русском языках будет распространено следующими способами: газета «Баянтау», Телеканал АО «РТРК «Казахстан», телеканал ERTIS. Дополнительную информацию можно получить у разработчика проекта: ОО «РУДПРОЕКТ» фактический адрес г.Астана, Акарыс, 37, тел: 87751969728

Все замечания или предложения принимаются в срок не позднее 3 рабочих дней до даты проведения общественных слушаний на сайте [ndbecology.gov.kz](https://hearings.ndbecology.gov.kz/), а также в ГУ «Управление природных ресурсов и регулирования природопользования Павлодарской области», email: unosvr@mail.ru, тел: 8-7182-32-16-81.

ЕСКЕ АЛУ

РУХЫҢЫЗ ПЕЙШТЕ  
ШАЛҚЫСЫН!

Өмір бар жерде өлімнің де болатыны хақ. Дүниенің ағы мен қарасы қатар жүретін жалғанда әр пенде Алланың бергенін жасайтыны ақиқат. Десе де, «тас түскен жеріне ауыр» демекші, біздің де қапияда қара жамылып, асыл жар, аяулы анамыз, немерелерінің сүйікті әжесі – **Сексембаева Алтынай Армияқызынан** айырылып қалғанымызға жылдың жүзі болды. Алланың ісіне амал бар ма? Енді анамызды әрдайым сағынышпен еске алып, рухына құран бағыштағаннан басқа қолдан келер шара жоқ. Жатқан жерің жарық, топырағың торқа болсын!

Асыл ана, асыл өже аяулы,  
Біздер үшін бәйтерек ең саялы.  
Жүрек аңсап іздегенде өзіңді,  
Енді бізге құшағын кім жаяды?  
Жан ана, қабірің нұрға толсын,  
Жатқан жерің мамықтай жұмсақ болсын.

**Анамыздың рухына бағышталған жылдық дұға – асы 9 қараша күні сағат 12:00-де Екібастұз қалалық мешітінің асханасында беріледі. Мекенжайы: Естай Беркімбаев көшесі, 165/56.**

Еске алушылар: жолдасы, балалары, немерелері, туған-туыстары.

## СПОРТ

## ЖАС БАЛУАНДАР БЕЛДЕСТІ



Республика күніне орай ауданда 2012-2013 және 2014-2015 жылы туған жасөспірімдер арасында еркін күрестен аудандық ашық турнир өтті. Ашық турнир спорт саласының ардагері, КСРО спорт шебері, Баянауыл ауданының Құрметті азаматы Зейнолла Сыздықұлының құрметіне арналды. Спорт додасына барлық ауылдық округтерден және көршілес аймақтардан жас спортшылар қатысты.

Боз кілем бәсекесінде бірінші орынды Дарын Дарханұлы, Әлім Әміров, Саян Балтабек жеңіп алды. Екінші орынға Тәуба Құмырбек, Жәнібек Кенжехан, Мейірбек Абзалов, Әлімхан Бекмұрат, Елдар Дүйсембек, Еркін Абайбек ие болды. Үшінші орынды Мирас Дарханұлы, Арлан Аманжол, Дінмұхамед Абзалов, Әлімжан Аубәкір, Айтуар Қайрат, Нұрғиса Желдібаев, Нұрлан Темірлан, Елдар Нұрлан, Мәди Құрманғазы алды.

**М.ҚАЙРАТ**



«Баянтау» газетінің  
редакциясы ЖШС

Директор:

Айдана Тұрғынбайқызы  
АЙТУҒАНОВА  
8-702-179-10-87

Редакция автордың көзқарасы үшін жауап бермейді. Хаттар, қолжазбалар мен фотосуреттер рецензияланбайды және қайтарылмайды. Редакция оқырмандардан түскен барлық хаттарға тегіс жауап беруді және түгел жариялауды міндетіне алмайды. «Баянтауда» жарық көрген материалдарды сілтемесіз көшіріп басуға болмайды. Нөмірді әзірлеу барысында интернет ресурстарынан фотосуреттер пайдаланылады. Жарнама мен хабарландырулардың мазмұны мен мәтініне жарнама беруші жауап береді.

Газет Қазақстан Республикасының Мәдениет және ақпарат министрлігінде 2006 жылы 18 мамырда тіркеліп, №7250-Г куәлігі берілген.

Газет аптасына 1 рет, бейсенбі күні шығады.  
Таралымы: 1600 дана  
Көлемі: 2 б.т.

Газет «Баянтау» газетінің редакциясында теріліп, беттеліп, «Баспа үйі» ЖШС баспаханасында басылады.

Баспа мекен-жайы: Павлодар қаласы, Астана көшесі, 143-үй.  
Газеттің сапасы мен уақытында шығуына баспахана жауап береді.

МЕКЕН-ЖАЙЫМЫЗ:

Павлодар облысы, Баянауыл ауданы, Баянауыл ауылы, Сәтбаев көшесі, 49-үй,  
Жұмыс тел: 9-28-37  
Эл. пошта: [redakciyabayantau@mail.ru](mailto:redakciyabayantau@mail.ru)  
Instagram: @bayantau\_gazeta  
Facebook: Баянтау газеті



**РЕСПУБЛИКА КҮНІ**  
**25 қазан**  
**МЕРЕКЕ**  
**ҚҰТТЫ БОЛСЫН!**

**С.ТОРАЙҒЫРОВ АТЫНДАҒЫ  
МЕКТЕПТІҢ БАСШЫСЫ  
ӘСЕМ ЖАКЕНОВА:**



Республика күні – мемлекетіміздің тәуелсіздігі мен тұтастығын, халқымыздың бірлігі мен берекесін айшықтайтын ерекше мереке. 1990 жылы қабылданған Мемлекеттік егемендік туралы Декларация – Қазақстанның тәуелсіз ел ретінде даму жолындағы маңызды тарихи қадам болды. Бүгінгі бейбіт те өркендеген Қазақстан – әрбір азаматтың еңбегі мен елжандылығының нәтижесі. Осы бір ұлы мереке қарсаңында баршаңызға зор денсаулық, бақ-береке, отбасыларыңызға амандық тілеймін. Еліміз еңселі, мемлекетіміз мәңгі болсын! Республика күні құтты болсын!

**БАЯНАУЫЛ АУДАНДЫҚ  
ЕМХАНАСЫНЫҢ ЖАЛПЫ  
ТӘЖІРІБЕ ДӘРІГЕРІ  
БАУЫРЖАН САЙЛАУОВ:**



25 қазан Республика күні – халқымыздың азаттыққа ұмтылған асыл арманының жүзеге асқан, ел еркіндігі мен мемлекет тұғырын айқындаған тарихи сәттің символы. Біз, дәрігерлер, Отан алдындағы борышымызды халықтың денсаулығын сақтау арқылы өтеп келеміз. Азаматтарымыздың амандығы – ел дамуының кепілі. Сол жолда әрбіріміздің еңбегіміз ел болашағына қосылған үлес екенін мақтанышпен айтамыз. Осы мерейлі мерекеде баршаңызға мықты денсаулық, еңбекте жеміс, отбасыларыңызға береке, елімізге бейбіт өмір мен мол қуаныш тілеймін. Республикамыздың мерейі үстем, болашағы жарқын болсын!

**БОКС**

**БОКСТАН ҚАЗАҚСТАН**

**ЧЕМПИОНДАРЫ АНЫҚТАЛДЫ**

**Қазанның 15-21 күндері Абай облысында ересектердің бокстан Қазақстан чемпионаты ерлер және әйелдер арасында өтті. Семей қаласындағы «Абай Арена» спорт кешенінде біріншілік іріктеуінен өткен чемпиондар қатысты.**

Биылғы ел біріншілігінде 371 спортшы жиырма салмақ дәрежесінде қолғап түйістірді. Ұлттық құраманың бірінші нөмірлерінің дені қатысқан жоқ. Әсіресе, соңғы әлем чемпионатында атой салып топ жарған ағайынды Сабырхандар, Оралбайлар, Санжар Тәшкенбайлар бой көрсетпеді, бапкерлер демалыс берген болуы керек. Соның өзінде ішкі біріншілікке алты бірдей әлем чемпионы қатысты. Оның екеуі ересектер, төртеуі жастар арасында үздік болғандар. Қазақстан чемпионатының өту барысының ширек, жартылай финалдық кездесулерінде, сондай-ақ ақтық айқастарда накауттар тіркелді. Араға 5 жыл салып, үш дүркін әлем чемпионатының қола жүлдегері қарағандылық Абылайхан Жүсіп чемпион атанса, әйелдер арасында 48 салмақта бес баланың анасы Әйгерім Сәттібаева 15 жылдан кейін чемпион атанды. Кәсіпқой бокста өнер көрсететін жамбылдық Әбілхан Аманқұлда бұл біріншілікке қатысып,

жарыстың көрігін қыздырды. Павлодар облысынан Серік Теміржановтай саңлағымыз өз салмағында мықты екенін дәлелдеп, биік мінберден көрінді. Чемпиондарға тоқталсақ, әйелдер арасында жамбылдық Әйгерім Сәттібаева (48 кг), алматылық Жазира Орақбаева (51 кг). Жазира «жарыстың үздік боксшысы» атанды. Сонымен бірге, шымкенттік Элина Базарова (54 кг), түркістандық Ұлжан Сәрсенбек (57 кг), алматылық Римма Волосенко (60 кг), шымкенттік Лаура Есенгелді (65 кг), алматылық Бақыт Сейдіш (70 кг), астаналық Валентина Хальзова (75 кг), қостанайлық Надежда Рябец (80 кг), ақмолалық Валерия Аксенова (+80 кг). Ерлер арасында: Батыс қазақстан облысынан келген Даниал Сәбит (50 кг), түркістандық Сәкен Бибосынов (55 кг), павлодарлық Серік Теміржанов (60 кг), маңғыстаулық Санатәлі Төлтаев (65 кг), қарағандылық Аблыхан Жүсіпов (70 кг) және Сабыржан Аққалықов (75 кг). Сабыржан Аққалықов «турнирдің үздік боксшысы» атанды. Абай облысының боксшысы Ерасыл Жақпекөв (80 кг), ақтөбелік Дәулет Төлемісов (85 кг), түркістандық Сағындық Тоғамбай (90 кг) және Нұрлан Сапарбай (+90 кг). Осылайша биылғы біріншіліктің чемпиондары анықталды.

Өз тілшімізден

**ҚУАНЫШҚА ОРТАҚПЫЗ!**

**Сапура Файзулқызы  
Кәрімованы  
70 жасқа толған  
мерейлі қуанышымен  
құттықтаймыз!**



Талай шәкірттерге қанат қақтырды. Физика пәнінің тұғырына көтерілген аптал азаматтар тек қана осы мұғаліммен мақтана алады. Әріптесімізге ұзақ ғұмыр тілей отырып, зейнетті өмірдің рақатын көріңіз дейміз.

*Ізгі тілекпен, академик  
Қ.И.Сәтбаев  
атындағы мектептің  
ардагерлер ұжымы*

**ҚҰТТЫҚТАЙМЫЗ!**

**Баянауыл ауылының тұрғыны,  
көпбалалы ана, зейнеткер,  
сүйікті әже, қадірлі туысқан  
Сәуле Олжабекқызын  
70 жас мерейтойымен шын  
жүректен құттықтаймыз!**



Бұл күн – сіздің өміріңіздегі шын мәнінде ерекше және мерейлі оқиға. Жеті онжылдықтың бай тәжірибесі мен даналығының көрінісі. 70 жас – бұл тек сан емес, бұл сіздің өмір жолыңыздағы еңбегіңіз, жеткен жетістігіңіз және өткен өмірдің мол тәжірибесінің белгісі.

Сәуле апамыз Макаровтар шаңырағының зарығып көрген тұңғыш перзенті. Менің өмірлік жарым Серіктің ерекше жақсы көрген әпкесі, қос құлынымның сүйікті «нянясы». Алла апамызға ұзақ жасауды нәсіп етсін! Бұл мерейлі күні сізге мықты денсаулық, отбасыңызға амандық тілеймін. Әрбір күніңіз мағыналы, әрбір сәтіңіз қуанышқа толы болсын! Балапандардың ортасында немере-жиендерінің қызығын көріп, ағайын-туыстың арасында тілеуқор болып жүре беріңіз!

*Өткен күннің артта қалып өлесі,  
Тіршіліктің жылжи берер кемесі.  
Басыңызға бақ пен ырыс сыйлаған,  
Жетпіс жастың құтты болсын белесі.*

*Бұл 70 жас – қарттық жас емес, қазына жас,  
Бала мен немеренің назына мас.  
Біз сізге бақ тілейміз ортаймайтын,  
Басыңыздан ешқашан ажырамас.*

*Өміріңіз ұрпаққа өнеге мың,  
Тілейміз қуанышқа бөленгенін.  
Жүзге келіп, марқайып отырыңыз,  
Қылығына қуанып шөберенің.*

**Тілек білдіруші:  
Бибігүл Барханқызы Макарова,  
келіні, Жаяу Мұса атындағы Баянауыл  
өнер мектебінің зейнеткер ұстазы**

**ПРОДАМ!!!**

Постельный комплект от фирмы "ЛИОРА", оригинал, гипоаллергенный, не скатывается, не линяет, качество шикарное. Размер полуторка – цена 5000 тенге, двухспальная – 6000 тенге. Контактный телефон: 87711343287

